

DE OPTIMO SPLENDIDIORI QVE
ELOQVENTIAE GENERE
AD ORATORIAM SACRAM TRANSFERENDO

ORATIO

AD FVLGENTINOS ALVMNOS
HABITA

*A FRANCISCO XAVERIO ROMEV BRV
academiae Valentinae doct. theologo, atque in Ful-
gentino Murciae seminario humaniorum litterarum
primario professore publico.*

IN EODEM SEMINARIO

X. KALEND. OCTOB. CICICCLXXXIII.



MVR CIAE

Ex Praelo VIDVAE Philippi Teruel : Via Lintearia.

СЛОВО ОДИНОЧЕСКОЕ
ЯЗЫКУ ДАТИВОМ
СОЛНЦА СУЩЕСТВОВАЛО.

ОДИНОЧЕСКОЕ

ЯЗЫКУ ДАТИВОМ

АТРИН

ЧЕРНОЕ ОДИНОЧЕСКОЕ

СЛОВО ОДИНОЧЕСКОЕ



Video , iuvenes ornatissimi , alacriores vos multo hilario-
resque hodierna celebritate studiorum vestrorum curriculum
aut prosequendi , aut absolvendi gratia in splendidam hancce
maximeque illustrem divinarum humanarumque disciplinarum
sedem convenisse. Rapuerat antea animos vestros institutionis
ac doctrinae genus , quod & ubertate & gravitate & elegan-
tia & fructu praestantissimum ac in primis coli dignum ac-
ceperatis. Invitarat frequens professorum coetus cum ingenii
ac industriae , tum sublimiorum doctrinarum haud vulgari
commendatione clarus. Duxerat disciplinae ratio severe sanctis-
simeque constabilita. Potissimum vero egregie vos fuisse cap-
tos existimaverim excellenti maecenatis patronique nostri fa-
ma virtutis atque erga praeclarissimarum artium studia be-
neficentissimae voluntatis. Et vero cuius animum non illius
viri nomen alliciat, quem unum post hominum memoriam hu-
ius amplissimae urbis ac regni litterario splendori & orna-
mento plurimum providisse: quem optimae doctrinae rationi,
sed maximis praeiudiciorum opibus in invidiam adductae at-
que iactatae manu liberalissime porrèxisse honestissimum-
que domicilium peramanter suppeditasse : tum etiam de op-
timarum artium dignitate magnificentius exornanda dies noc-
tesque cogitavisse , omnes & sentiant & confiteantur ? Multa
cunctus hic populus à benignissimo antistite clarissima bene-
ficia accepit : quorum nullum neque tam diurnam , neque
tam solidam , neque tam posteritati gratam adferre laetitiam
potuit. Haec omnia tantam fruendo habere voluptatem intel-
lexistis , ut liberalem in vos exstitisse fortunam existimaretis,
quod tranquillissimam vobis sapientiae stationem atque am-
plissimo studiorum vindici sane carissimam obtulisset. Sed
cum mortalium industria ad litterarios subeundos labores
praemiorum amplitudine potissimum commoveatur; hoc tam no-
bili demum atque amplo ornamento ab Hispaniarum rege stu-
diis vestrīs augendis perbenigne delato , quod futurum illud
siet ubique terrarum integerrimum ingenii vestri atque ope-

²
rae in egregia hac institutione bene locatae testimonium; quanto vos magis alacres oportet esse factos , atque ad desudandum in litterario pulvere paratores ? Nam si tantum industria vestra superioribus annis in vario doctrinarum genere declarata valuit , ut patronum nostrum permunificum ad postulandum pro vobis novum beneficium ; regem eiusque senatum ad summa illud liberalitate tribuendum compulerit: non sperem vos nulli mortalium postmodum contentione cesuros , cum regem optimum , senatum amplissimum , illustissimumque praesulem ad vestra studia exornanda benevolentissime certantes prospiciatis ? Quid igitur causae adferri possit cur ego vos ad severioris litteraturae commendationem inflammare hoc tempore ac excitare nitar , qui nil à vestro illius parandae studio monitis & hortationibus relictum esse putem loci ? Enitar tamen. Non quo graviorum doctrinarum laudes oratione mea decantem , atque ita , illius amorem gloriae animis vestris inspirem , ad quam adipiscendam ardentes vos sane ac erectos intelligo. Sed ut , quomodo possim ad illud industriae genus impellam , quo cetera debent studia paene vestra comparari. Vestra , inquam , lectissimi iuvenes , qui ecclesiasticam rempublicam cogitatis , atque in divinarum rerum castris mereri stipendia voluistis. Profecto nemo vestrum nescire potest oratoriam sacram praecipuum gravissimumque ordinis vestri munus exercitationemque futuram , qui operam vestram populo christiano sitis aliquando navaturi. Sed quis est qui non intelligat quam maximas orationis opes & ornamenta ad eius modi munus splendidissime & cum laude sustinendum requiri atque postulari ? An vos quemquam existimatis aut cohortari ad virtutem ardenter , aut à vitiis acerlime revocare , aut vituperare improbos asperrime , aut laudare probos exornate , aut cupiditatem vehementer frangere accusando , aut levare dolorem mitissime consolando : uno verbo , concionandi officio diligentissime satisfacere praeclaro eloquentiae apparatu nudatum ac destitutum posse ?

Quamobrem cum permultos extare perspiciam , qui eloquentiae ornatum & splendorem in oratoria sacra tamquam minus utilem ac supervacaneum vituperare ausint ceterosque pertrahere in ignavissimam opinionem conentur ; non committam , ut , quantum in me quidem situm erit , cum peracerbo atque irreparabili laudis vestrae damno ea diutius invalescat.

Mo-

Molestissimum siquidem foret, quorum ingenii praestantia doctrinaeque ornamenta ne minima quidem ex parte cum vestris forsitan conferri queant, horum vos hoc tempore censorio supercilio decipi, atque ob amplissimae facultatis neglectum inter gregarios olim recenseri milites, qui imperatorum insignibus prae fulgere valuissestis. Vestræ igitur existimationi ac famae, quam ego plurimi facio, in posterum prospecturus, nihil consultius providentiusque facturum esse nunc puto, quam si eloquentiae illi splendidae atque singulari, orationem graviter ornanti, affectus nobiles excitanti, atque admirabili diligentia decorum servant in oratoria sacra deferri principatum oportere, atque adeo vobis, ingenui adolescentes, quam impensisime colendam ipsam demonstravero. Quod quidem argumentum eo vehementius doctissimos viros qui me dicentem sua praesentia cohonestare voluerunt comprobatus esse confido, quanto est illud, ut ego quidem sentio, & ad vitiosam concionandi rationem, quae iam dudum cum magno ingeniorum nostrorum dedecore impune grassatur atque ecclesiasticos viros ab rectis eloquentiae studiis detorquet, exagitandam; & ad priscam germanae eloquentiae dignitatem revocandam appositius.

Ac nobis quidem de hac tota controversia cogitantibus illorum è vestigio personare clamores videmur, qui incompto ac exangui orationis generi studentes, omnem proinde orationis florem ad delectandum excitandumque spectantem parvipendunt, atque ex oratoria sacra explodi debere dictant & exsibilari. Quae, inquiunt, est isthaec sermonis forma quam inducere in orationes sacras cupidissimi elegantiarum contendunt? Cui bono linguae ornamenta esse queant ad plausum solummodo captandum comparata? Numquid nos & orationis iucunditatem consectando, & ad ornatissimum loquendi modum adspirando ut profanorum simillimi oratorum videamur, committemus? His orationis deliciae, lepores, dicendi veneres; his artes concitandi motus integrae reserventur sane, quorum potissime intersit auditorum animos sermonis oblectamento quam suavissime retinere. Nos autem, quorum conatus atque animorum ardor omnis eruditus in coelesti doctrina mortalium animis intentus debet esse, eisque viam ad immortalitatem certissimam rectissimamque communiendo: quam oportet esse in dicendo graves! quam

quam temperatos ! quam ab omni rhetorum flore disiunctos
 atque remotos ! Quid quod ars illa res concinne amplissime-
 que explicandi ac mirabilium affectum ciendi , insigni cal-
 liditate videtur esse ad non bonas , certe parum probabi-
 les caussas obtainendas , excogitata. Ut quae simplicissimis
 enunciata verbis animos adfecissent molestia , ornatus splen-
 dore adhibito delectabiliora se illis offerrent & illustriora.
 Nemini profecto latere potest ad huiusmodi orationis blan-
 dimenta flectendique artificium confugisse olim iniquos legis-
 latores , populorum tyrannos , vindices falsae doctrinae , ac mi-
 litaris gloriae avidissimos imperatores. Ut incautos animos si-
 mulata virtutis specie in fraudem impellerent , eosdemque ad
 ea amplexanda veluti cogerent , quae essent cordato cuique
 tamquam iniusta , acerba , vana , calamitosaque , non effu-
 gienda modo , verum etiam summo plane odio prosequenda.
 Et quo alio artificio putemus usos impudentissimos scelestis-
 siniosque homines à quibus diversis temporibus ecclesia Dei
 afflictta luctuosissime ac divexata fuit ? Nonne ipsis est fami-
 liarissimum fucati sermonis illecebris inescare populos ad
 pestilentissimas ipsorum mentibus inserendas opiniones ? Ipsi ,
 ipsi nostrae memoriae adulterini sapientes optimae philoso-
 phiae portenta , regnorum busta , morum atque honestatis
 flammae , generis humani dedecora , quibus , rogo , armis
 ad augustissima monarcharum iura convellenda , sacrorum
 religionem delendam , divinarum deniqae & humanarum
 praestantissimis quibusque rebus nefarium bellum inferendum
 exarserunt , nisi callidissima atque omni blandiendi animis ar-
 tificio elaborata oratione ? Illae igitur caussae vanissima orna-
 tus pompa animorumque excitatione egent , quae sint falsae
 turpes atque à recta ratione sane quam abhorrentes. Nostra
 vero caussa , vel Dei potius , qua nulla melior fingi valet ,
 nulla honestior ne minimo quidem opus habet ornamento ,
 auxiliove ab arte repetito , quo gratissima accidere possit om-
 nibus facileque iucundissima. Nam si venustatem in ea quae-
 ris , quae cum divini verbi , pulchritudo vocari in contentio-
 nem possit ? Si veritatem requiris , nonne evangelica doctri-
 na divino fulgore omnium illustrissimo splendescit ? Si rerum
 praeterea ac sententiarum magnitudine ducare , an dubitas
 quin divina illa sapientia humanos sensus quosque magnifi-
 centissimos sublimitate longissime vincat ? Si prudentiam , si
 bo-

bonitatem , si iustitiam , si benignitatem in eadem caussa cupis , si cetera denique eminentissimarum virtutum ornamenta commovendis animis valde accomodata , pro Deus immortalis ! quis illarum rerum mirificam suavitatem , quis sermones sempiterni boni amorem plane incredibilem spirantes non dicam exprimere possit dicendo , sed ne capere quidem cogitando ?

Quod si quae evangelium christianum simplicissime expositum ac explanatum singulari sua atque divina virtute effecit essent nobis omnia referenda , possemus dicere expugnatos regum animos atque devictos . Loqui idola abiecta prorsus atque prostrata . Numerare integros populos ad fidei veritatem adductos . Eos demum collaudare triumphos , quos neque Alexander , neque Caesar , neque alias fortissimorum bellatorum quispiam maximo animorum ardore & armorum adipisci unquam valuisset . Quae cum ita sint , nihil est cur de ornatissime atque ad affectus ciendos accommodate dicendi artificio , ex quo nullus in sacras conciones proficiscatur fructus , magnopere laboremus . Scite dicebat Euripides veritatem in simplici despectoque cultu placere . Ut eam iniuria adficere videantur , qui propriam ipsius atque nativam lucem clarissima quaeque antecedentem luminibus ex arte depromptis reddere nituntur splendidiorem . Ne igitur futuri sumus ii , qui delicitorum istorum lenocinia nobis fraudem ferre patiamur , atque rerum tantummodo praestantiae gravitatique adhaerentes in sermonis simplicitate libentissime conquiescemos .

Talis est , viri clarissimi , censorum , qui lautissimas eloquentiae artes fastidiunt , atque iuventutem ad oratoriae sacrae arcem contendentem ab earum studio abducere molliuntur , oratio . Quam mehercule orationem cum adversus communem ac per vulgatam politiorum hominum sententiam , contraque gravissimam sapientissimi cuiusque rationem , denique in optimam animorum imperatricem à qua sunt fundatae urbes , inductae atque servatae leges , regna suaviter culta ac temperata exsultantem plane triumphantemque videatis : in minime dubiam spem adducor , mihi dum ea dico , quae ipsi refutandae videntur esse appositissima , quaeque ad nostrorum adolescentum institutionem permagni interesse video ; nullo vos modo denegaturos eam , qua me proximis annis ornatum

tum esse voluistis, benevolentiam & humanitatem. Etenim etsi illa quam dixi eloquentia nullam extemplo commoditatem christianaे multitudini polliceretur, ac solis contineri videretur limitibus delectationis: esset tamen, meo quidem iudicio, oratoriae sacrae adfixo non mediocriter excolenda. Nam cum ex gravi ornatoque sermone peregregium omnes capere oblectamentum videamus, eosque maximi fieri ac summis efferri laudibus oratores sacros animadvertisamus, quos elegantissime homines loqui senserint & ornatissime; illorum contra vocem, in quibus nihil animi, nihil politiei, nihil flosculorum, nihil energiae potent, quamvis sapientissimam repudiari: quae, malum, sit ista stultitia data veluti opera in despectionem incidere velle, ac honestissimae possessionem laudis ab aliis occupari sinere? Compertum equidem habeo non esse oratori sacro popularē auram aucupandam, sed Christi optimi maximi gloriam salutemque populi christiani extremum esse quo omnes illius oporteat conatus cogitationesque referri, ut quanto ad illud proprius accesserint, tanto sint ipsae ducendae liberaliores. Verum tamen si illa orationis efficacia & iucunditate illud efficere possumus & obtinere, ut christiana multitudo ad sacras audiendas conciones frequentius conveniat, libentius audiat, vim veritatis dilucidius percipiat, verbum Dei diligat impensius, cur non ad id genus laudem velis equisque contendere & adlaborare decet, ex qua uberes nobis iuxtaque suavissimos promittere debeamus fructus? Atque huic quidem sententiae neutiquam refragatos crediderim veteres ecclesiae proceres gravissimosque post evangelium conditum concionatores. Qui si eloquentiae artibus ad christianam rem publicam regendam atque gubernandam nihil adiuvari putassent, quid esset, cur se ad earum studia quam ocissime contulissent? An lusisse operam crediderimus homines plurimis & severissimis occupationibus impeditos quos ab disertissimis vetustiorum scriptis pervolutandis, ab scriptitando declamitandoque nunquam aut otium astrinxerit, aut voluptas avocarit, aut denique somnus retardarit? Minime vero, auditores, minime. Sed cum praeclare cognoscent quanta vi ad deliniendos animos polleret eloquentia eosdemque in quamlibet partem permovendos, ipsam propterea oratoriae sacrae adhibere voluerunt, quam christiano populo sibi concredito oppido quam utilem atque

que salutarem fore prospexerunt. Non itaque remisso & oscitanter viri christiana reipublicae bonum in oculis animoque ferentes, sed pertinaci labore, ingenti studio ac diligentia plane incredibili ad excelsum eloquentiae culmen properarunt, donec tandem voti compotes facti, sapientiae opes quibus magnifice enituerunt masculae praestantissimaeque orationis ornamentis aeterni foederis vinculo auspicatissime consocaverunt. Ex hoc genere fuisse accepimus (ut omittam antiquissimos evangelii praecones) beatissimum Basilius cognomento Magnum non omni modo genere ac varietate doctrinae perinstructum atque perpolitum, sed tanta etiam in concionibus sacris eloquentiae nobilitate florescentem, ut ipsius elegantia, nitor, dignitas, adfluentia, gratia, sublimitasque, in admirationem sui valuerit convertere litteratissimam posteritatem, qui tam eximias atque praestabiles orationis praerogativas singulari elogio honestandas esse censuerunt, Demostheni eloquentiae graiae principi citra controversiam nobilissimo comparandum ipsum confirmantes. Ex eodem Gregorium Nazianzenum eundemque Magno Basilio consuetudine, similitudine morum, studiis, sententiis, omni denique ratione vitae coniunctum. Cuius ea sunt in eloquentiam sacram promerita, tam illustria ac memorabilia, ut cum orationis dulcedine, tum arte periodica, tum in servandis artis legibus adcuratione, neque suavissimo Isocrati, neque Tullio concinnissimo, neque rhetoricae praeceptionum cultori ceteris diligentiori plane videatur concessisse.

Sed eloquentiae sacrae arcem eruditorum nemine reclamante tenet Chrysostomus. Qui naturae providentia videtur natus ut in eo vires suas omnes eloquentia experiretur. Existit ipse veluti quoddam clarissimum eloquentiae theatrum, quod esset ecclesiae ornamento sane pulcherrimo; verbi divini praeconibus exemplari proposito ad imitandum; omnibus cultis doctisque saeculis & gentibus stupori. Nihil illo facundius, nihil uberius atque copiosius, cuius adfluentissimi Platonis ubique superare videatur oratio. Suavitas in eo sermonis tanta, ut ex eius ore sentias orationem fluere dulcedine ipsa dulciorem. Quid, si ornatus contemplere varietatem? Admirere venustos lectissimosque colores cum summo decore animos exhilarantes. Quid, si amplificationes respicias? Credas ipsum persaepe vibrare fulmina. Quid, si lu-

mina sententiarum , verborum splendorem ac sensuum sublimitatem spectes ? In his omnibus nulli esse secundum confiteare. Cuncta illius myrothecia oppido pulcra & quod maxime in laude poni debet , ab omni redundantia & adscitio lepore remotissima.

Dici profecto nequit quantopere isthaec praecellant , sintque adeo singulari eloquutionis dignitati conducibilia. Illud est tamen longe maius multisque partibus validius & praestabiliusque. Facultas nimirum ciendorum affectum sane quam rara , in qua regnasse ille videtur , ac Demosthenem ipsum huius artis antesignanum praecurrisse. Haec illi Chrysostomi nomen & existimationem dedit , meritissimeque ipsum in altissimo eloquentiae gradu collocavit. Et certe reconditas hominum cogitationes quis diligentius pernovit ? Iracundiae fasces quis integrius potentiusque subiecit ? Consceleratissimas animas quis vehementius increpavit ? Contumaces atque refractarios quis felicius expugnavit ? Furore exardescentes quis blandius suaviusque delinivit ? Ipsem auditorum ventus vim Chrysostomi hac in parte declarat , qui modo ingemiscens , modo lacrimans , modo suspiriis examinatus acclamatione etiam atque plausu , Chrysostomum dominum , Chrysostomum regem atque victorem mentium fortunatissimum confitetur.

Nam quid ego de occidentalis ecclesiae clarissimis loquar concionatoribus ? Mihi vero satis fuerit Cyprianum , Ambrosium , Augustinum oratoriae sacrae lumina laudavisse. Quorum primus ob admirandam concitandorum affectum , qua valuit artem , atque orationem torrente vehementiorem plurimam ac excellentem à doctis viris retulisse laudem iudicatur. In Ambrosio tanta effulget orationis maiestas , ut solium eloquentiae atque sedem in ipso collocatam putas. Suavitate & copia permirifice rapit auditorem. Prorsus ut Augustino delicatissimi ceteroquin ac perspicacissimi ingenii viro ipsum concionantem audienti ingentem sui moverit admirationem , cuius uberrimi praestantissimique gloriam fructus nulla unquam est oblivio obscuratura. Atque is quidem qui propter innumerabilia propemodum illius ac immortalia in christianam rem publicam merita , fuerat mihi primum commemorandus tantum abest ut praeclarae eloquutionis decus ab oratore sacro repudiandum putarit ; ut se orationis

Iuminibus generosisque affectibus nunquam non studiosissimum praebuerit ; venustorumque pigmentorum artis amantissimum.

Quae cum ita sint , tam insigni nos stupore animi atque tarditate futuri simus ut infantissimorum hominum sententiam atque id quod assequi nequaquam potuerunt nau-seantium , talium consilio virorum ulla ratione praferendam ducamus ? quorum virorum ? quorum ? quos tamquam clarissima ingenii lumina , rerum divinarum & humanarum scientiae decora , religionis verae signiferos , eloquentiae sacrae arbitros cunctarum aetatum encomiis nobilitatos novimus atque ad famam elatos sempiternam ? Ut non tam honesti ac officiosi videamur , si illorum observantissimi coluerimus auctoritatem , quam turpes & ingrati illa deserta, iudicemur.

Sed parum diligenter & officio meo & exspectationi vestrae arbitrarer satisfecisse , si cum illustres ac in primis nobiles post homines natos concionatores plurima eloquentiae supellectile vobis exhibuissem exuberantes ; non perinde frugiferos admodum christianaे reipublicae illa dicendi facultate quam plurimum laborando sibi compararunt , eosdemque commodissimos protulisset. Ego vero sic intelligo nullius esse tantum flumen ingenii , nullam dicendi tantam vim , tantam copiam , quae non dicam exornare , sed enarrare quidem illius eloquentiae compendium possit. Vos appello , Antiocheni ac Byzantini populi , religionis olim sedes nobilissimae , ac testes immortalium beneficiorum , quibus Chrysostomus & Nazianzenus , duo sidera vestra , eloquentiae virtute cumulaverunt rempublicam. Vos etiam principes , optimates , tyranni ac haereticae pravitatis propugnatores. Qui Ioanni adversus fastidium , insolentiam , luxuriem , impotentissimam dominationem , denique in vestram corroboratam vetustate audaciam resistere nequivistis declamitanti , atque sententia , aut instituto vitae commutato , aut fuga interdum ab eius oratione devictos prostratosque commonistravistis. Te etiam Caesareæ civitas , quae Magni Basillii vocem propugnatricem salutis praedicasti tuae. Tum cum inaudita famis calamitate pressa eximium illum virum vidisti opulentorum animos ad misericordiam ita tenere flectentem , ut quos antea maximopere restrictos eras

experta , eosdem confessim ita benignos erga cives tuos animadverteris , ut eis pares inveniendos fore nulos existimaveris. Vos etiam mutae Italiae regiones imploro atque Ambrosii auctoritate , sapientia , eloquentiaque illustratae. Quis apud vos religionem florentem servavit atque retinuit ? nonne Ambrosii oratio ? Quis idololatriam caput efferre contem obtrivit ? nonne Ambrosii oratio ? Quis ecclesiarum iura fortissime vindicavit ? nonne Ambrosii oratio ? Quis Arianos fregit , quis Priscillianistas , quis Iovinianos ac ceteros religionis maiorum pestem nefarie molientes ? nonne Ambrosii oratio ? Nullum dicendi finem facerem , si quantum christiana saluti reipublicae Ambrosii oratio conduxit, docere hoc tempore velim.

Nec minus sunt suscipienda atque sempiterno praeconio digna , quae Cyprianus & Augustinus Africanae ecclesiae propugnacula eloquentia communiti praestitere. Pro dii immortales ! quam fortiter feroce animos perdomuerunt ! quanto robore sanctissimas leges ab sacrorum praedonibus vindicarunt ! quam mira virtute vanitatem idolorum impune volitantem compescuerunt ? An dicam illorum eloquentiam de repub. benemeruisse , qui amplissimas urbes turbulentissimis seditionum motibus effervescentes ipsorum voce videam fuisse pacatas ? Aseram schismaticos talium oratione praesulum commoveri solitos , qua non modo circumclusos ac debilitatos senserunt , verum etiam superatos atque percuslos ? Hæreticos gravissimam eorundem dicendi artem perhorruisse confirmabo , quae de Donatistis , Pelagianis , Manichaeis , ceterisque hostibus antiquae fidei tetricis illustrem sane magnificentissimamque victoriam reportavit ? Demonstrem::: sed quo tendit oratio mea ? me vecordem! qui excellentissima ac fortia facinora summorum ecclesiae virorum à divina eloquendi facultate orta , oratione mea comprehendere in præsentia coner , quae sunt omnium paene gentium litteris linguis monumentisque decorata. Sed facit patriae caritas , qua nihil est in rebus humanis neque dulcius , neque iucundius , ut non possim non factum pulcherrimum hoc loco commemorare , & quod in caussam nostram apprime quadrat , & quod sit illud , quomodo mihi persuadeo , clarum nobilissimumque Hispanae gloriae monumentum. Neminem nostratum esse puto , qui non Leandri , Isidori , Fulgentii , trium virorum sanctis-

tissimorum memoriam singulari immortalique benevolentia, vel amoris potius teneritudine prosequatur, nedum religiosissime colat. Et merito quidem. Nam, ut mittam maiorum imagines, quibus fuere sine controversia clarissimi, habuerunt à natura indolem generosam sane ac prorsus regiam. Fuit in eis eximia ac saeculi captui longe superior liberalium artium disciplinarumque cognitio. In graeca ac latina eruditione exquisite & magna cum laude versati. Nulla divinarum rerum pars est, cuius non ipsi abdita penetrarint. Antiquitatem qua sacram, qua profanam non aliter perceptam habuerunt, atque si omnem in ea diligentiam operamque reposuissent. Quid multa? Hispanos ceteros qui ea memoria politioribus litteris severisque doctrinis dignitatis aliquid attulere longo intervallo censemur antecessisse. Quantis praeterea praestantissimarum virtutum ornamenti praeditos censestis fuisse? Nihil illorum pietate clarius, nihil magnanimitate illustrius, nihil divinae gloriae proferendae studio specatius. Cuius gratia quid erat tam arduum quod ipsi refugerent, quid tam periculosum quod exhorrescerent? In oculis ferebant omnes ipsorum caritatem ac perpetuam erga cives, erga patriam, erga omne genus hominum benevolentiam. Principibus, optimatibus, infimis & magnis admirationi erat eorum vitae ratio, moresque sanctissimi apostolicae vitae imaginem exprimentes.

Quas ob caussas doctrinae columna, episcopalis muneras ornamenta, conservatores patriae, priscae religionis revocatores, aetatis suae nobilitate, eruditione, consilio, auctoritate, sapientia, sanctimonia longe principes, ad immortalitatis & memoriam & religionem fuerunt consecrati, atque vel infestissimas famae nostrae gentes nominis sui gloria compleverunt. Et licet hi tres germani fratres reipublicae nostrae saluti mirum in modum contulerint, fuit tamen Leandri opera salutarior existimata. Cuius ut viri singulare facinus luculentius intelligatur, redigite in memoriam illius temporis imaginem cum arriana labes per universam Hispaniam nostram invaluerat. Sic profecto statuetis Deum immortalem gravissimas poenas ab Hispano populo expetere voluisse, qui tanta ipsum malorum adfecisset colluvie. Evidem haud male tunc temporis cum nostris esse actum putarim, si ut regem habuere bellicosissimarum gentium ac immanitate barba-

rarum gloriosum in primis debellatorem, ita talem essent
 nacti qui arriana impietate furentia agmina cohibusset. Sed
 pro dolor! nullius erat rei Leovigildus quam arrianarum par-
 tum cupientior. Ut nihil esset tam sanctum, quod non illarum
 caussa violasset, nihil tam religiosum, quod non polluisset,
 non humanitatis, non communionis sanguinis rationem habe-
 ret, naturam ipsam dementiae suae reclamitatem repudiaret.
 Cuius denique inauditam omnes ac tantam erga summa dig-
 nitate filium, quantam ab homine cogitari existimo potuisse
 maximam adspexissent crudelitatem. Quare ne vos tam laeto
 ac hilari die necessario maerore adficere voluisse videar, non
 renovabo memoriam turbidissimae illius, quae fuit ab im-
 pietate & scelere excitata, tempestatis. Non dicam insaniae
 regiae fautores atque ministros religionis verae assertoribus
 acerbissima quaeque supplicia minitantes. Non loquar civita-
 tes & oppida optimorum christianorum, qui pro avita per-
 suasione palam decertassent, innocentio cruore redundantia.
 Silentio praeteribo augustissima immortalis Dei templo in-
 dignissime direpta atque abominandis sacrilegiis contaminata.
 Tacebo praesules sanctissimos & optimates partim in carceres
 squalidos detrusos, partim in exsilia perpessu difficultia eiec-
 tos, partim summa immanitate contrucidatos. Praetermit-
 tam privatos sedibus ac fortunis eiectos, expilatas urbes,
 vastatos agros, incensas domos, cetera denique multo mi-
 serrima atque luctuosa, quae ab impietate armata furore va-
 luerunt excogitari. In hoc statu omnium calamitosissimo natu-
 rae laudibus efflorescebat Recaredus optimae adeo spei princeps
 sed nondum à paternae impietatis contagione liberatus. Non pas-
 sus est diutius Leander tot annos in patriam insultare porten-
 tum illud, ac ratus furores eius à populorum cervicibus facile
 depulsum ire, si modo ipsorum moderatorem à conselerata
 mente revocasset: noluit occasionem à clarissima illius in-
 dole sibi oblatam praetermittere. Intelligebat vir sapientissi-
 mus, quot & quam nobiles esset eloquentia in omni memo-
 ria victorias consequuta. Sciebat praeclare dictum ab Euri-
 pide quodcumque ferrum & vis hostium efficere posset, id
 omne confici diserti hominis oratione posse. Itaque, ut
 erat ipse in dicendo plurimum exercitatus atque flexanima
 eloquentia supra modum praeditus, apud Recaredum de re-
 ligione disserendi consilium capit. Cuius benevolentiam tam
 sua-

suavi artificio conciliat : caussam optimam ita illi dilucide exponit : tam argute solide luculenterque confirmat : adversariorum calumnias adeo acute simul & polite refutat : tam incitata oratione tanto verborum ac sententiarum splendore ipsius mentem flectit & quasi versat ut contumacem animum tandem superatum ex immanitate ad clementiam , ex ferocia ad humanitatem , ex detestanda execrabilique disciplina ad Christi optimi maximi puram integerrimamque religionem perducere possit. O triumphum nobilissimum omnibusque clarissimorum imperatorum laureis longissime anteponendum !

Quis dicendo complecti tantum possit , quantum ex illo inclita gens traxerit emolumenti atque dignitatis ? Profecto quamdiu rerum nostrarum monumenta permanebunt, quamdiu litterae , quamdiu Hispania erit ; tamdiu libertatem christianam , bona , fortunas , domicilia , religiones, instituta maiorum , leges , iudicia, humanitatem, omnia denique dignitatis ornamenta praesidiaque stabilitatis illo faustissimo die immortalis Dei summo erga nostros beneficio , atque magnanimi eloquentissimique viri contentione ac labore ex ipsis paene fatifaucibus erepta & nostris conservata atque restituta , posteritas omnis praedicabit. Et erunt, qui ornandae orationis , animosque flectendi artem nonnisi ad malas caussas defendendas prodesse dicant , cum videant ipsam ad omnium pulcherrimam asserendam à viris sapientissimis traductam gravissime atque revocatam esse ? Et exsistent, qui ea nullum oratori sacro parari posse compendium potent , cum intelligent nullam esse reipublicae partem , quae non ab ipsa fuerit egregie descripta , sapienter composita , scite graviterque ornata atque constituta ? Et reperientur, qui eam virtutis expertem esse contendant , cum principem potentissimum non humanitatis officia , non leges , non iura reverentem , sed in vim ac feritatem paterno exemplo mire propensum ornatae concitataeque orationis viribus expugnatum esse conspiciant ?

At fuere homines profligatissimi, qui eloquentiae phaleris & ecclesiae & reipublicae existimationem dignitatemque oppugnarint , atque divina ac humana iura sceleratissime perturbarint. Sit ita sane. An propterea erit dicendi ars exploitissima è concionibus sacris proscribenda ? minime quidem.

dem. Quin potius quoniam ipsa in utramque partem valet, qua nequissimi hostes abutuntur opera ad perniciem, haec certe accendere unice nos debet ut consimilem plane adhibeamus ad salutem. Quid? illi ut falsas ac exitiabiles adserant opiniones nullas vigilias, contentiones, molestias, certamen denique nullum deprecantur: nos pro vera persuasione saluberrimaque doctrina propugnaturi non parem laborem suscipiemus? Illi ut religionem, humanae mentem societatis ac status reipub. firmamentum, ex hominum animis deleant in oratione coloranda perpoliendaque quam vehementissime sudant: nos ad illam sartam tectamque oratione exornatissima tuendam non totis nervis annitamur? Illi ut sanctissimos ordines in maximam invidiam adducant, caerimonias sacrorum extinguant, solium maiestatis evertant atque labe-factent, divinas ac humanas leges rescindant, omnem paene artem exhausti, eloquentissimorum veterum lectione perpetuos dies noctesque consumunt: nos ad res tam sacrosanctas à profligatissima eorum audacia conservandas omnibus instrumentis orationis non erimus paratissimi?

Nam quod evangelii sacri veritatem splendide ac magnifice extollunt permovendisque animis singularem potestatem magna cum voluptate nostra faciunt ingentique gratulatione. Habet illud quidem vim tantam ad homines immortalium bonorum cupidos efficiendos, quantam tribuere ei potest omnium rerum molitor & effector Deus. Prorsus ut quae tantopere iactant ac si fingi valent admirabiliora, coelestis gratiae praesidio fieri fateamur potuisse. Sed nos de auxiliis divinis hoc tempore non loquimur, quae sunt illa multo potentissima. De illis dicimus, quae humano possunt ingenio, industria, exercitationeque parari. Afferimusque eorum maximo afflictam christianam esse rem publicam caritoram, si eloquentiam splendidam mira sua virtute flectentem animos in cultam hoc tempore atque iacentem esse patiemur. Utinam, sapientissimi viri, evangelici codicis veritates integerrimae & venerandae nullis opus haberent humanae sollertiae subsidiis, ut ipsae in vulgus probari possent. Utinam simplicissima omni-que ornamento vacua divini verbi explicatio illius praecepta atque consilia in christianorum animis constituendo sufficeret. O quam egregie actum esset cum nostris hisce temporibus! Ne praedicandam animi simplicitatem & candorem

illustrem christianismo veteri invideremus. Sed abierunt tempora illa aurea & fortunatissima, quae numquam fortasse revertentur. Florescebat tum temporis sapientia, pietas ac rerum aeternarum amor perquam insigniter enitescebant. Eoque christiani robore animi, ea indole virtutis atque continentiae erant ut respuerent omnes voluptates, omnem vitae suae cursum in labore corporis & animi contentione conficerent, quos non quies, non remissio, non ludi, non convivia delectarent, nihil in vita expetendum putarent, nisi quod esset cum christianis officiis ac virtutis praestantia coniunctum. Huiusmodi verae religionis cultoribus, moriar, si quidquam erat nuda evangelii veritate delectabilius, atque ad illorum animos impellendos fortius, qui Christi Op. M. ceterorumque caritatem reliquis omnibus & cupiditatibus & honoribus & divitiis liberaliter antetulissent. Postea vero quam commemorabilis illa fidelium pietas atque laudabilis innocentia morum è christiana republica exulavit, atque veteri illi mansuetudini, acerbitas; temperantiae, luxuries; christiana modestiae, fastidium; opum neglectioni, ambitio; paupertati, opulentia; candori, fraudatio, labori, otium; delictorum turpitudo ac irritamenta, priscarum virtutum honestati clarissimisque exemplis successerunt; ò rem magnopere deplorandam! ipsa evangelii facies commutata est, quaeque iucundissima quondam voluptate perfundebat animos, corruptis populorum moribus, visa est mortalibus horridissima. A qua nos igitur humanarum rerum opem & auxilium petamus ut ea decreta atque consilia, quibus aeterna hominum salus continetur reddere possimus multitudini iucundiora, si eloquentiam illam flexanimam, si sermonis ornatum, quo nihil est tam horridum quod non splendescat & quasi excolatur, repudiaverimus? Nam ponamus in conventu variorum generum frequentissimo persuadere debere quemquam contemnendas opes, voluptates fugandas, amicos, parentes, cognatos propter Deum deserendos, condonandas inimicorum iniurias, amplissimos quosque honores despiciendos, aequissimo animo oppetendam mortem esse. Quis dubitet ea esse gravia molestissimaque iis, qui nihil cogitant nisi terrena, caduca, fugacia: nihil amant nisi sensuum blandimenta: qui nihil moliuntur nisi vindictas: qui spectaculis, deliciis, magnifico rerum instruc-

tu summopere delectantur ; qui nihil praestabilius ducunt vita otiosa , & plena atque conferta voluptatibus ? An putemus nos esse quidquam apud tales loquentes profecturos nisi illa loca mira sermonis elegantia ac iucunditate condiamus , opulentissimis sensibus orationem locupletemus , magno splendore verborum omnia collustremus , nisi amplificationibus admirandis exardescamus ac vehementi oratione ad maximos motus animos audientium compellamus ? Profecto si omnia eloquentiae adiumenta , quae orationes huiusmodi locis tractandis idoneae requirunt , vellem enumerare ; si quantum artificium , quantum ornatum , quantam facundiam , quot affectus pudoris , metus , ignominiae , invectivae adversus voluptates postulant ut hisce temporibus comprobentur , & cum fructu ac iucunditate audiantur ; si verborum pondera , si nobiles affectus laudis , amoris & honestatis , quos adhortationes ad multitudinem christianaee virtutis ac perfectionis studio inflammmandam comparatae flagitant atque reposcunt ; si incredibilem animorum concitationem , orationis ubertatem , si gravitatem sententiarum ad obstinatas voluntates à scelere admonitione revocandas necessariam : si orationem interdum varietate sane mirabilem ; si affectus diversos quibus sunt tractandae obiurgationes ; si denique stili delectamenta , suavitatem exquisitam , affectus spei , contemptus , laudis , quibus consolationes debent adornari persequi dicendo conniterer : sine dubio fore arbitror ut intelligeretis boni oratoris sacri vicem nonnisi eum conquisite defendere posse , qui sit splendidissimus orationis divitiis & copiis quam instructissimus.

Sed illud persuasum vobis esse volo , iuvenes lectissimi , omnia illa ornamenta orationis , omnem affectuum ciendorum artem quamvis singularem vanissimam à cordatioribus esse putandam si virtus decori minime illis accesserit ceteris rhetoricas artibus excellentior. Nam quemadmodum qui magnō auri pondere , gemmis pretiosa denique afflueret supellectile , deesset vero ratio earum rerum recte collocandi , atque ad usum optimum referendi miser omnino atque Iro ipso pauperior merito haberi posset : sic ego oratorem quantumvis ornatissimum , arte vero destitutum , cum argumentum illiusque cogitata ac sensus omnes , tum orationis genus ad locum , tempus , auditorum ordinem , ingenium , indolem ,

mores quam sapientissime accommodante , non eloquentem, sed loquacem minime ferendum , non sapientem , sed ineptum nuncuparem. Atque hanc artem tanto magis video esse oratori sacro necessariam , quanto maiorem ad illius personam gravissime sustinendam prudentiam intelligo sagacitatemque requiri. Non enim ille quamdam personarum instituere debet classem ; sed eruditi , sapientes , nobiles , aulici, praesules , omnes ex eius ore pendent , omnes in ipsum tamquam publicum magistrum intuentur evangelicae disciplinae. Quanta propterea antecellere debet ipse sapientia , quanta iudicii in oratione temperanda gravitate ! ut & amplitudini ac maiestati loci & audientium dignitati , aetati , sexui & proprio concionandi satisfaciat ministerio. Sed maxima decori eloquentiae sacrae necessitas non tam ex eorum , qui illud diligenter colerent, splendore , quam ex turpitudine eorum , qui dicendo non curassent , elucebit. Missos illos facio , qui adversus quaedam genera magnopere colenda parum se ostenderent officiosos. Quos non impeditisset venerandum sacris additorum nomen , quominus illorum vitia coram imperita multitudine proderent in eaque invehementur inflammati. Non magistratum auctoritas & amplitudo , quin illorum reipublicae temperandae rationem regi optimo probatam , sed fastidiosis nonnullis iniucundam obiurgarent peracerbe in eosque subiectos concitarent populos. Praetereo reverentiam aetati debitam violantes , qui res obscenissimas longeque turpissimas apertis exprimerent verbis. Ita ut castae ac verecundae orationis amantissimum quemque deterrent ab audiendo & puerorum puellarumque animos in illis erudirent , quorum ignoratio maximo illis emolumento esse, scientia incredibilem importare solet calamitatem. Taceo, qui in argumento orationis nullam auditorum haberent rationem , qui in luxurie , crudelitate , avaritia coarguenda essent copiosissimi , cum de ambitione ac studio laudis immoderato docta humanissimaque oratione dicere , esset opportunissimum. Tales ego è concionatorum numero expungendos putarem , tamquam summa importunitate homines. De illis loquor , qui artis ac philosophiae vitio gravissime peccavissent.

Qui in argumento idoneo tractando cum urbanis austero modo ac more agerent ; cum humanitate praestantibus rusti-

ce ac impolite , cum leni virginum coetu severe & gravi-
ter , cum sapientibus contentiosa vehementique ratione. Qui
tragoedias agerent intempestive atque ardentes orationis fasces
adhiberent in rebus parvis. His hominibus qui excogitari po-
tuissent stultiores ? Nam quid ego memorem illos , qui aut
apud graves & ornatos homines abiecte & humiliiter ; aut
apud rudes & humiles granditer & splendide ; aut apud in-
genuos & liberales ineleganter inornateque ; denique in
maxima frequentia civitatis non aliter atque si apud pago-
rum incolas versarentur, facerent verba? Quid dicam in ciendis
animorum motibus admirabiliter intempestivos , ita ut pro
amore odium , pro verecundia confidentiam , spem pro me-
tu , pro invidia excitassent misericordiam ? O inscitiam sin-
gularem ! O frustra susceptos labores ! Quorsum enim spec-
taret eloquentiae , si quam haberent , instructus & appara-
tus , cum neque illam apte collocare , neque optatos ex ea-
dem fructus decerpere potuissent ? Horum vero utrum exsis-
tant concionatores aliqui necne , non definio , viri ornatissi-
mi. Illud affirmare non dubito si plurimas ex his , quae vul-
go collaudantur , concionibus expendere vobis liceret pau-
cas admodum credo fore inventuros in decoro examussim ob-
servando accuratissimas. Inveniretis alteram facundia ac ele-
ganti dicendi caractere praestantem ; sed imbecillitate doctri-
nae pro concionis & auditorum genere languescentem. Al-
teram sententiose , graviter subtiliterque perfectam esse vide-
retis , sed in qua deessent splendida verba ac rebus sublimi-
bus , grandibus enunciandis accommodata. Illa ob figurarum
lumina , lenocinia , veneres & egregias amplificationes mag-
na vos afficeret iucunditate ; at credo vos ipsos illa oblecta-
menta moleste laturos, quod maximam partem animadvertere-
tis minime locum obtinuisse suum. Hac inter legendum ex-
citari forte sentiretis ; sed si argumenti naturam & audito-
rum genus respiciatis , longe alios caussam efflagitasse motus
fatebimini. Quod in illa esset argumentandi subtilitas , quod
eminerent acumina , quod exquisita eruditione praestaret,
quod sonoro stilo demulceret aures , quod oblectaret egregie
sale , flosculis ac festivitate valde à vobis plausu digna iudi-
caretur. Sed si ea omnia cum maiestate loci , cum gravitate
personae oratoris sacri , cum severitate argumenti ceteris-
que adjunctis forti acerrimoque iudicio contendissetis ; quae-
dam

dam ex illis ostentationem redolentia , alia nimia ac modi li-
mites transeuntia , nonnulla minime idonea ac improbanda
offenderetis. In hac laudaretis divinae thesauros sapientiae,
ac rerum sublimiorum ubertatem : sed dolendum vobis fo-
ret necessario , neque in intimos auditorum sensus cogita-
tionesque penetrare , neque voluntates inflammare odio , ne-
que amore corripere , neque misericordia flectere , neque
alios motus excitare , quos & frequentissimus conventus &
materies ad dicendum proposita postulaverat. Quae concio
cum praecipuo maximoque oratoriae officio minime fuerit
perfuncta , quis illam dixerit exacte servavisse decorum quam-
vis rerum ac sententiarum instructu splendescensem uberri-
mo ? Innumera eiusmodi oculatissimus quisque atque artis
bene peritus sine negotio deprehendere posset. Quae quo lu-
culentius ostendunt magnas saepe virtutes ob iudicii imbecil-
litatem cum peccatis ingentibus commisceri , hoc vali-
dius ad iudicium selectissima philosophia corroborandum ex-
stimulare debent eum , qui in maxima orationis virtute ex-
cellere velit. Quam nisi plene cumulateque possidebitis,
scitote , iuvenes , numquam vos esse perfectam absolutam
que eloquentiam atque adeo oratoriae sacrae palmam longe
optatissimam consecuturos. Sed iam sentio vos in audiendo de-
fatigatos , & quam ipse virtutem sedulo colendam praedico,
hanc abutendo fortasse perspecta humanitate vestra , viri or-
natissimi , ne hoc tempore neglexisse existimer , magnopere
pertimesco. Satis igitur iam satis , meo quidem animo , pla-
num hactenus atque testatum feci quam recte ornatissimam
eloquendi rationem atque ad affectus concitandos mire va-
lentem principem in oratoria sacra obtinere locum pronun-
ciaverim , cuius opibus locupletati evangelii christiani pae-
cones sanctimoniae iuxta ac eruditionis splendore claris-
simi lucem christiana reipublicae quam maximam attulerunt
pulcherrimeque de populorum animis triumpharunt : qua
etiam adversus amentissimam perditorum hominum eloquen-
tiā pro sinceritate doctrinae uti nos expediāt : quam deni-
que propter hodiernos populorum mores ac studia necessa-
rio retinendam , atque ob multiplex & varium hominum ge-
nus quibus christiana societas conflatur sagaci attentissi-
moque decoro excolendam atque pertractandam inexpugna-
bilia confirmant ac probant argumenta. Omnino ut qui orna-
tus

tus gravitate atque animorum concitandi vi prudentissime temperata plurimum possit , is in eloquentissimum sacrorum oratorum cooptari ordinem promereatur.

Quae cum ita se habeant , dubitabitis, lectissimi adolescentes , quin omnem vestram operam , studium , diligentiam, omnes aetatis ac industriae nervos ad florentissimam validissimamque artem comparandam adipiscendamque conferatis ? Quod si illa non tam esset in praesenti oratoriae sacrae necessaria , atque ipsius assertorum magnam copiam haberemus: adhuc tamen esset vobis perdiscenda , qui ad maximam omnibus in rebus dignitatem manibus pedibusque connitimi- ni. Nunc autem cum ea in situ & squalore iaceat , ita prorsus ut nisi advigilemus , nisi adnitamur , nisi ad ipsam ex- citandam omnes ingenii vires contendamus maximopere sit metuendum ne brevi oratoria nostra ex hominum animis extinguitur ; quid exspectatis , quid ambigitis , aut cur non vobis summam pro illa revocanda instaurandaque suscipien- dam esse dimicationem putatis ? Etenim si nos solidam habere atque germanam oratoriae sacrae formam ducitis vehemen- ter erratis, adolescentes , atque fallimini : umbra & imagini- bus tantum utimur. Ex tanto enim concionantium quos vi- detis numero rarissimi existunt , qui proprio marte laborent: perpauci qui orationis cultui serviant : nulli fere , qui ad propriae inventionis sollertia eluctandum sibi esse potent. Divinus ille sacratissimusque codex inter blattas tineasque de- litescit. Iacent in oblivionis tenebris Chrysostomi. Non evol- vuntur Augustini. Eorum qui nec ingenio , nec sapientia, nec gravitate sunt cum veteribus auctoribus ullo pacto con- ferendi exsultant ac dominantur lucubrationes. Ac huiusmo- di quidem concionum gallicarum cupientissimis easdemque pro suis passim integras venditantibus facile pateremur à multitudine imperitorum plaudi , à semidoctis eos in sidera continenter tolli , ipsorum denique longe lateque nomen ce- lebrari. Rati id genus paeconia vanissimum tantummodo conficere ac falsum posse simulacrum celebritatis. Vera glo- ria ingenii atque litterarum è solidissime sapientium pendet iudicio , qui tantum abest , ut tales plagiarios expilatores- que probent , ut ante mortales ceteros longe ignavissimos existiment. Fecisset Deus , ne quod ipsi reputare quodammodo habereque debuissent sacrosanctum, magna ipsi quoque ac

vituperanda violassent audacia. Patriam dico linguam, viri
 humanissimi, quam concionibus praepostere insulsissime-
 que vertendis tot verborum prodigiis atque portentis reple-
 verunt, tot sordibus deturparunt, conspurcarunt, macula-
 runt, foedarunt, ut ad nativum ipsius splendorem delendum
 quasi quodam malo acerbissimoque fato exorti hoc tempo-
 re videantur. Fecisset ne isthaec consuetudo tam longe ser-
 peret ad interitum eloquentiae ac Hispanae gloriae detrimen-
 tum. Nam, obsecro, quid indignius ea natione, quam ve-
 luti disertissimorum hominum parentem omnes litteratae
 gentes sanctissime coluerunt, cuiusque eloquentiae, humanita-
 tis, ingenii nulla est ora, nulla sedes, nullus locus, in quo
 non exstent clarissima impressa vestigia; quid, inquam, in-
 dignius dici aut cogitari potest, quam, ut qui ingenii vena
 divites ac eloquentiae thesauris adfluentes esse debuissent,
 ita se inopes ac pauperes ostendant, ut nisi exterorum inge-
 niorum opibus plane instruantur numquam propria industria
 posse iudicent, ne mediocriter quidem, locupletari? O inertiam
 singularem! O vecordiam minime ferendam! O praeposte-
 ram levitatem atque à maiorum nostrorum gravitate turpissi-
 me deficientem! Et mirabimur exteros homines perquam ab-
 iecte de ingenii nostris sentire, quamdiu per nostratum ani-
 mos talis ingenii Hispani oblivio pervaserit? quamdiu apud
 nos erunt tanta erga res externas observantia, tanta, si diis
 placet, modestia ut illas penitus deosculentur; de sua vero
 mentis sterilitate tam ingenue & verbis & factis confitean-
 tur? Nec enim illi quanti maiores nostri in omni liberalis-
 simo studio, quanti in omni artium ac ingenii laurea ex-
 stiterint meminisse volunt; nec vero quam multis excelsi ani-
 mi atque abstrusae multiplicisque doctrinae viris nostra ho-
 die litteraria respublica gloriari possit, considerare. Sed ad-
 repta undecumque de ingeniorum nostrorum dignitate de-
 trahendi occasione, culpam quorumdam fatuitatis in universae
 gentis transferunt stuporem, impudentissimeque de nobis
 tamquam de mortalium universorum ineptissimis obloquun-
 tur. Ut si qui sunt paullo iustiores ut de superiorum Hispano-
 rum ingenii fama sentiant honorificentius; at ipsi tamen
 laetum illum eloquentiae florem, quae nostros tantopere or-
 nasset, iam pridem dictitant emarcuisse, atque uberta ingenia
 patriis sedibus relictis in externa domicilia commigrasse.

Quid

Quid igitur est quod in tanta litterarum & eloquentiae iactatione ad dignitati reipublicae nostrae consulendum, atque impudentissima obtrectatorum nostrorum ora occludenda facere debeatis optimi adolescentes? Nihil, opinor, nisi ut in eas artes à quibus ignavi homines abhorrent, vos omni animo atque voluntate incumbatis. Illi elegantiores litteras irrident: vos omni studio atque reverentia prosequimini. Illi scripta veterum inter cetera eloquutionis laude praestantissima ne adspicere dignantur quidem: vos diurna nocturnaque manu pervolute. Illi in patria lingua colenda vehementer se praestant negligentes: vos illius candorem nitoremque aureum in oblectamentis habetote. Illi domesticos poetas elegantissimos despiciatui habent atque ludibrio: vos eosdem admirabili quadam benevolentia complectimini. Illi adcuratas rhetorum præceptiones tamquam puerorum nugamenta prætermittunt: vos ipsas diligentissimi cuiusque studio dignas iudicate. Illi criticam, illi bonam logicam, illi scripturas divinas, illi maximarum artium scientiam negligunt: vos multiplici ista rerum notitia pectus cumulate vestrum. His amoenioribus severisque studiis quasi quibusdam gradibus ad gloriae templum concionatores eminentes nostri pervenerunt. Quorum vobis, iuvenes, qui nonnisi ardua ac excelsa meditamini, præclara gravissimaque proponere debetis exempla. Horum igitur litteratissimorum hominum vestigiis insistentes ad illius eloquentiae fastigium maturate in qua emineat sapientissimis sententiis lectissimisque verbis ornata oratio atque perpolita: quae affectuum granditate fulgeat singulari: ita ut vobis dicentibus nulli resistere queant; omnium animi concutiantur & inflammentur. Et quidquid obesse videatur obtemperando, id omne vestra vos forti & ardenti voce frangatis atque dissipetis. Omnino ut omnium voluntatibus vestra imperare dicatur oratio. Illa vero maxime virtus eluceat, quam longe praestare ceteris ostendimus. Quo non tantum eloquentiae ornamen, sed subacti iudicii commendatione inclarescatis. Eam si assequemini, vos non in servos, sed dominos, non discipulos, sed magistros, non interpretes, sed auctores evasisse tandem aliquando gloriabimini. Denique quam ignavia rebus exteris emancipata iacturam attulit, hanc vos labore vestro cumulatissime compensabitis. Quo, quid vobis per deos ad famam, existimationem, gloriam optabilius praedi-

cabiliusque accidere possit? Erit quippe tempus cum labo-
rasse sudasse pro dignitate patriae, graves molestias pro
ipsa pertulisse periucundae sit vobis atque honestissimae volup-
tati. Cum iniqui nostri vel inviti praedicabunt non deesse in
Hispania iuvenes industrios atque sollertes, quorum opera,
manu, cultu, eloquentiae sacrae squalens campus revirescat.
Cum intelligent hos fuisse Fulgentinos alumnos, quibus nul-
li in natione nostra diligentia, sedulitate, labore, florentissima-
rum artium studiis, acceptis à rege ornamentis, reperiantur
praefulgentiores. Cum sapientes ac docti omnes, qui minis-
terium verbi summa à vobis sapientia gravissimaque eloquen-
tia ornari videant, ingenium vestrum, vigilias bene locatas
demirabunt atque laudabunt, & Fulgentinum seminarium,
quod eo splendore, ea praestantia dignitatis alumnos tulerit,
amplissimis decorabunt elogiis, illudque ad reipublicae christia-
nae praesidium ac decus, ad veterem eloquentiae sacrae glo-
riam in his vestris & maiorum sedibus recuperandam, ad illus-
tre exemplum posteritatis feliciter instauratum atque restitu-
tum esse conclamabunt.

Huius ut gaudii, praesul illustrissime, compotes esse pos-
simus per dexteram istam tuam liberalem oro atque obsecro
ut eloquentiae studiorum nitori pro virili servias atque pro-
vides. Da hoc ecclesiae Carthaginiensi tuae, quae ex optimis
eloquentiae artibus locupletissimum est olim pulcherrimum-
que fructum relatura. Da gloriae nationis, quae horum stu-
diorum fulgore & amplitudine amoenissimorum spectata dedit
olim litterario orbi pereximiae mentis specimina, atque celsi-
tatis animi luculentissima testimonia. Ego vero qui ita sal-
vus beatusque siem ut tam sum institutionis huius famae ap-
petens quam qui est omnium appetentissimus: Deum immor-
talem quaeso, qui te diu hilarem, erectumque custodiat ut
quae respublica litteraria meritorum tuorum magnitudine re-
fecta fuit hactenus & confirmata, haec te fautore, te mae-
cenate, te parente multo diutius perfruatur, atque cumulatis-
simam aeternamque benignitate tua aliquando celebritatem
& nomen adipiscatur.

Imprimatur,
Pareja.

